



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Ioannis || Slotani || Geffensis, Sacrae || Theologiae
Profes-||soris, De retinenda fide orthodo-||xa & catholica
aduersus hæ-||reses & sectas, & præci-||puè
Lutherana[m], Li-||bri nouem.||**

Slotan, Johann

Coloniae, 1560

VD16 S 6745

Capvt V.

urn:nbn:de:hbz:466:1-29875

QVAE cū ita sint, quid aliud de Aduersari
 aduersarijs sentiendum quam osi iure in-
 ter hæreti-
 cos nume-
 rari.
 de schismaticis & hæreticis? Si enim se-
 cundum Augustinum (lib. 18. de ciuit. Hæreticus
 quisnam
 censendus
 sit.
 Dei c. 51.) hæreticus est, qui morbidum
 aliquid in Ecclesia sapit, ipsumque iam
 correctus non desistit defensare, aduer-
 sarij nostri hæretici iure censentur, qui
 tam multa morbida dogmata docent,
 & toties correcti, totiesque admoniti,
 in pertinacia perseuerant. Si iuxta eun-
 dem in lib. de utilitate credendi ad Ho-
 noratum cap. 1. hæreticus est, qui alicu-
 ius tēporalis commodi & maximè glo-
 riæ principatusque sui gratia, falsas ac
 nouas opiniones, vel gignit, vel sequi-
 tur, nonne aduersarij hæretici reputan-
 di sunt, qui ob vanos vulgi rumores ca-
 ptandos, partim genuerunt & partim
 sequuntur, tot opiniones falsas ac no-
 uas, per Ecclesiam cotholicam damna-
 tas? Si D. Hieronymi sententiam (quàm
 habet in tertium caput ad Titum scri-
 bens) hæresis Græcæ ab electione dici-
 tur, quòd scilicet vnusquisque id sibi
 5 O eligat,

IOANN. SLOT. GEF.

eligat, quod ei melius esse videatur, ne-
mini dubium quin aduersarij hæretici
sint habēdi, qui vnanimi consensu Ec-
clesiæ Catholicæ relicto, falsas & pere-
grinas opiniones sibi elegerunt, quas
mordicus tenerēt, & pertinaciter defen-
derent ac tuerentur. Rursum si (vt D.
Aug. lib. 2. contra literas Petiliani cap.
95. inquit) quemadmodū vnitas & pax
Catholicos, ita diuisio & dissensio hæ-
reticos facit, aut (vt idem epist. 48. ha-
bet) praua dissensio hæreticum facit,
quis non videat aduersarios esse hæreti-
cos, qui ab vniuersalis Ecclesiæ dogma-
tibus plenè dissentiunt? Si iuxta Orige-
nem hæreticus habendus est nobis om-
nis ille, qui Christo se credere confite-
tur, & aliud de veritate Christianæ fidei
credit, quàm habeat definitio tradito-
nis ecclesiasticæ, quæ nihil aliud est, q̄
consensus societatis ecclesiasticæ, de ali-
quo velut certo firmiter credendo, de
quo dubitare non liceat, an nō aduersa-
rij nostri, inter hæreticos iure cōputa-
buntur, qui scienter & cū electione dis-
sentiunt à cōmuni ecclesiasticæ societa-
tia

Traditio-
nis Ecclea-
sticæ defi-
nitio.

DE
tis sent
initio,
tium si
smisit v
Diuus
nuarij
insolen
stæ vel
senten
Gram
quòd i
runt, n
reputa
obdur
antur
quum
eos no
am hæ
cauene
natis h
hæreti
rores f
matris
untib
uertan
us, q̄ ef

DE RETI. FIDE ORTH. 104

tis sententia, quæ ab Apostolis accepta ab initio, ecclesia velut per manus succedentium sibi episcoporum & patrum transmissit usque ad nostra tempora? Quod Diuus Augustinus ad inquisitiones Ianuarij respondens, dicit esse insaniam insolentissimam. Si denique Donatistæ vel Donatiani (secundum eiusdem sententiam lib. 2. contra Cresconium Grammaticum cap. 8.) hæretici erant quod in schismate inueterato remanserunt, nonne aduersarij nostri hæretici reputabuntur, qui adeo in schismate obdurerunt, ut citius sibi vitam patiantur auferri, quam errorem? Itaque quum satis euidens sit & manifestum, eos non solum schismaticos, verum etiam hæreticos esse, merito ab omnibus cauendi sunt atque vitandi, ac pro damnatis hæreticis habendi, nec non tanquam hæretici tractandi, donec resipiscetes errores suos agnoscat, & relicta perfidia, ad matris Ecclesiæ gremium (quod omnibus redeuntibus & resipiscetibus apertum est) reuertantur. Quod faxit benignissimus deus, qui est benedictus in secula seculorum, A.

Liber

Epist. 128.